

ՀԱՅԱՍՏԱՆԻ ՊԵՏԱԿԱՆ ՊԱՏԿԵՐԱՍՐԱՀԸ

1921 թ. սկզբներին, Հայկական Սովետական Սոցիալիստական Ռեպուբլիկայի կառավարության հրամանագրով Սրեանում կազմակերպվեց Պետական թանգարան՝ զեղարվեստական բաժնով: Այդ բաժնի երկու սրահում ցուցադրված էին «Հայ նկարիչների միության»՝ Երևանում կազմակերպված ցուցահանդեսից կառավարության ղեկավարի քանի աշխատանքներ:

Որոշ ժամանակ անց նորաստեղծ թանգարանի զեղարվեստական բաժինը ստացավ Մոսկվայի նախկին Հաղարյան ճեմարանի և էջմիածնի Մատենադարանի զեղարվեստական հավաքածուները, որոնք ժամանակի ընթացքում հարստացան, սրահների թիվն ավելացավ, հայկերպարվեստի հարուստ բաժնին կից բացվեցին նաև ռուսական և արևմտաեվրոպական արվեստագետների ստեղծագործությունների բաժիններ: 1935 թ. Պետական թանգարանի զեղարվեստական բաժինը դարձավ Հայկ. ՍՍԽ Կերպարվեստի պետական թանգարան, իսկ 1947 թ. վերանվանվեց Հայաստանի պետական պատկերասրահ:

Պատկերասրահի համալրմանն ու հարստացմանը մեծապես նպաստել են կառավարության կողմից տրամադրված դոմարներով ղեկավարվեստական աշխատանքները, Մոսկվայի և Լենինգրադի խոշորագույն թանգարանների, հատկապես Պետական էրմիտաժի կողմից ռուսական և արևմտաեվրոպական արվեստի մի շարք արժեքավոր գործեր տրամադրելը Պատկերասրահին, ինչպես նաև Սովետական Միությունում և նրա սահմաններից դուրս բնակվող արվեստագետների և արվեստասերների նվիրատվությունները (է. Շահին, Հ. Գյուրջյան, Գ. Զամբախյան, Հ. Ծրնճյան և այլք):

Համալրման խոշոր աշխատանքի շնորհիվ, ներկայումս Պատկերասրահի ֆոնդերում կենտրոնացված են 3984 զեղանկարչական, 6642 դրաֆիկական, 561 քանդակագործական և 2893 կիրառական արվեստի ստեղծագործություն: Ֆոնդերի այս կարգի հարստությունը և, միաժամանակ, նրանց բազմազանությունը հնարավորություն է տվել Պատկերասրահում ստեղծելու հայկական, ռուսական և արևմտաեվրոպական արվեստների հարուստ բաժիններ:

Պատկերասրահի հայկական կերպարվեստի բաժինն ընդգրկում է ազդային կերպարվեստի զարգացման պատմության առավել բնորոշ շրջանները: Այն սկսվում է ուրարտական հնագույն որմնանկարի (Արինբերդից, VII դ. մ. թ. ա.) և Գառնիի բաղնիքի սենյակներից մեկում պահպանված խճանկարի (III դ. վերջ մ. թ. ա.) դոկումենտալ ընդօրինակություններով:

Միջնադարյան շրջանի որմնանկարչություն, սկսվում է Պողոս-Պետրոս եկեղեցու նկարազարդման պահպանված բեկորներից (Երևան, VI դ.), որն իր մոտիվներով պարզ պատկերացում է տալիս հելլենիստական արվեստից նորին՝ քրիստոնեականին անցնելու մասին: Վերջինիս յայակապ օրինակներն են Արուճի (Աշտարակի շրջան, VII դար), Լմբատի (Արթիկի շրջան, VII դ.), Հաղրատի (Ալավերդու շրջան, X դ.), Տաթևի (Գորիսի շրջան, X դար), Ախթալայի (Ալավերդու շրջան, XI—XIII դդ.), բարձրարվեստ որմնանկարների դոկումենտալ ընդօրինակությունները, որոնք ոչ միայն պատմական խոշոր արժեք ունեն, այլև մեծ հետաքրքրություն են ներկայացնում միջնադարյան հայ արվեստի բազմակողմանի ուսումնասիրության համար:

Ինչպես որմնանկարների, այնպես էլ Մատենադարանում պահպանվող ձեռագրերի մանրանկարներից կատարված ընդօրինակությունները՝ հնարավորություն են ստեղծել այնպիսի աշխատությունների հանդես գալուն, ինչպիսիք են Լ. Դուրնովոյի «Հայկական մանրանկարչությունը», «Հայկական միջնադարյան նկարչության համառոտ պատմությունը», «Հայկական դաջածոն»:

Պատկերասրահի ֆոնդերում կարելի է ծանոթանալ Հովնաթանյան նշանավոր տոհմի՝ Նազի, Հովնաթանի, Մկրտումի աշխատանքներին, որոնց արվեստը մի հեղեղիկ անցում էր միջնադարից դեպի նոր շրջանի հայ կերպարվեստը: Այդ նոր շրջանին բնորոշը դիմանկարչության ժանրն էր, որի առաջին օրինակը թվագրվում է XVII դարով: XVIII դարի անհայտ նկարիչների դիմանկարչական գործերը բնորոշ են իրենց չափազանց ինքնատիպ կոմպոզիցիոն և զեղանկարչական լուծմամբ («Ինը երեխայի ձեռք», «Կանացի դիմանկար»):

Հայկական դիմանկարը զարգացման նոր աստիճանի է հասնում XIX դարի կեսերին՝ Հակոբ Հովնաթանյանի արվեստում:

Ավելի քան չորս տասնամյակ Թիֆլիսում ապրած Հակոբ Հովնաթանյանի ստեղծագործական հասուն կյանքի արդյունք են հանդիսանում Պատկերասրահում պահպանվող նրա մի շարք դիմանկարները, որոնք Հովնաթանյանի ժամանակ գործող դիմանկարիչների կտավներից նկատելիորեն տարբերվում են իրենց պրոֆեսիոնալիզմով, կատարողական բարձր ճաշակով, դույնների ղեկավարությամբ հարաբերությունների նուրբ զգացողականությամբ: Չնայած նկարելու միփոքր հարթապատկերային ոճին, Հակոբ Հովնաթանյանը կարողացավ ստեղծել ժամանակա-



Ֆրանսիական արվեստի սրահ

կիցների հոգերանորեն խորապես արտահայտիչ դիմանկարներու

XIX դարի երկրորդ կեսը հայ կերպարվեստի համար նշանակալից է որպես տարբեր ժանրերի զարգացման ժամանակաշրջան։ Պատկերասրահում է պահվում մեզ հայտնի հայկական առաջին կենցաղային նկարը՝ Ստ. Ներսիսյանի «Զրուսախնջույթ Քուռ զետի ափին» աշխատանքը։ Այցելուները կարող են ծանոթանալ բնության վարպետ երգիչ Բեորդ Բաշինջաղյանի կտավներին։ Արարատն ու Արարատյան դաշտը, Սևանն ու Քուռ զետը, Դիլիջանն ու Այազանի հովիտը՝ ահա նկարչի ստեղծագործության հիմնական մոտիվները, որոնք իրենց կատարողական բարձր արվեստով ուղի հարթեցին հետագա բնանկարիչների համար։

Ինչպես Գեորգ Բաշինջաղյանը, նույնպես և XIX դարի վերջի շատ բնանկարիչներ իրենց վրա կրում են աշխարհահռչակ ծովանկարիչ Հովհաննես Այվազովսկու արվեստի կնիքը։ Այվազովսկու արվեստի ազդեցության տակ է ձևակերպվել հայ նկարիչներ Վ. Մախոթյանի, Է. Մահտեսյանի ստեղծագործական դեմքը։ Նթի վերջիններիս աշխատանքներից Պատկերասրահը հնարավորություն է ունեցել հավաքելու մի քանի աշխատանք միայն, ապա Հովհաննես Այվազովսկու սրահը հնարավորություն է ստեղծում ծանոթանալու ծովանկարչի արվեստն ամբողջացնող ավելի քան վաթսուն աշխատանքների հետ։

Պատկերասրահի հարուստ հավաքածուներից է Վարդգես Սուրենյանցի բաժինը։ Ժամանակին ցուցահանդեսում բարձր գնահատականների արժանացած նրա համարյա բոլոր աշխատանքներն այժմ ցուցադրված են անվանի արվեստագետի սրահում։ Այստեղ կարելի է ծանոթանալ Սուրենյանցի հայկական, պարսկական, իսպանական, բիրլիական թեմաներով կատարված կոմպոզիցիոն աշխատանքներին, բազմաթիվ գրքերի նկարազարդ էջերին, որոնք զեղազիտական բարձր ներգործությամբ հանդերձ, վկայում են արվեստագետի բազմակողմանի հետաքրքրությունների, նրա աշխարհայացքի, նրա փիլիսոփայական խորաթափանց մտքի մասին։

Հայկական ժանրային նկարչության զարգացումը ակնհայտորեն դրսևորված է Հարություն Շամշինյանի և Հմայակ Հակոբյանի կտավներում, նկարիչներ, որոնք ապրելով ու ստեղծագործելով Թիֆլիսում, վերարտադրեցին տեղի նիստուկացր, սովորությունները, դառնալով հին Թիֆլիսի յուրատիպ երգիչներ կերպարվեստում։ Սակայն Նթի Հ. Շամշինյանն ու Հմ. Հակոբյանը երևույթ լրջախոհ ընդհանրացնողներ են, ապա Վանո Խոջարեկյանն իր ինքնատիպ գրաֆիկական էջերում մատիտի մի քանի զծով միայն կարողանում է պատկերել կենցաղին բնորոշ զավեշտական ու սրտանց ծիծաղում է։ Մինչդեռ լյուցիոն հայ քանդակագործությունից մեզ հասած մի քանի գործերն անգամ լրիվ պատկերացում են տալիս Ա. Տեր-Մարտիրոսյանի,

Մ. Միքայելյանի արվեստի, նրանց հետաքրքրությունների և նախասիրությունների մասին:

Պատկերասրահն իր հավաքագրական աշխատանքներում որոշակի դժվարության է հանդիպել սփյուռքահայ արվեստի հարցում: Անցած քառասուն տարիների ընթացքում հնարավոր է եղել հավաքել սփյուռքահայ արվեստագետների գործերի շնչին մասը միայն. սակայն այդ սակավաթիվ նմուշներն անգամ պատմում են նրանց կյանք տվող արվեստագետների ստեղծագործական կարողությունների մասին: Հայկական նատյուրմորտի զարգացման մեջ խոշոր ավանդ ունի Զ. Զաքարյանը, մի նկարիչ որն իր արտակարգ ընդունակությունների համար արվեստաբանների կողմից արժանացել է «Հայկական Շարդեն» անվան: Կ. Աղամյանի ծովանկարներում հատկապես զգացվում է բնության մեջ լույսի հետ կապված հարցերը յուրատիպ վերարտադրելու ձգտումը: Հ. Ալիսազյանին գրավում են բնության ամայի անկյունները և հատկապես աշնանային տեսարանները՝ արևի ոսկե շողերով ջերմացած: Պատկերասրահում կարելի է ծանոթանալ Ս. Խաչատրյանի, Ա. Շաբանյանի, Տ. Ծսայանի, Ա. Ֆեթվաճյանի, Ս. Երկանյանի, Ե. Դեմիրճյանի, Գ. Մկրտչյանի, Հ. Տիրիդի և շատ ու շատ ուրիշ նկարիչների (տարբեր երկրների մոտ վաթսունհինգ արվեստագետների) ստեղծագործություններին, որոնք երբեմն պատահականորեն են ընկել Պատկերասրահ և լրիվ պատկերացում չեն տալիս տվյալ ստեղծագործողի արվեստի մասին:

Անհամեմատ հարուստ է Հ. Գյուրջյանի և է. Շահինի գործերի հավաքածուն: Հ. Գյուրջյանի բանդակագործական ավելի քան 500 աշխատանքը և էդգար Շահինի օֆորտներն ու գրծանկարները համալրում են Պատկերասրահի հայկական բաժնի ոսկե ֆոնդը:

Այլ կերպ դասավորվեց նախառնույնացիոն շրջանի հայ կերպարվեստի այն վարպետների ճակատագիրը, որոնց բախտ վիճակվեց մնալ հայրենիքում: Դրանցից է Եղիշե Թադևոսյանը, որը բնակարիչ է, դիմանկարիչ և թեմատիկ կոմպոզիցիոն պատկերի վարպետ:

Ստեփան Աղաջանյանի դիմանկարներին բնորոշ է պատկերվողի ներքնաշխարհի խոր ու բազմակողմանի բացահայտումը:

Ավելի քան վաթսուն տարեկան էր Փանոս Խերլեմեզյանը, երբ երկար ու տանջալից թափառումներից հետո վերադարձավ հայրենիք՝ թանգարանին նվիրաբերելով իր կտավները: Պատկերասրահում հնարավոր է եղել հավաքել այդ երեք խոշոր արվեստագետների համարյա բոլոր ստեղծագործությունները: Ե. Թադևոսյան, Փ. Խերլեմեզյան և Ստ. Աղաջանյան՝ այն ար-

վեստագետներն են, որոնց ստեղծագործական կյանքի զգալի մասն անցավ մինչև սովետական շրջանում, սակայն Հայաստանում սովետական կարգերի հաստատումից հետո նրանք կարողացան հայ արվեստի ռեալիստական տրադիցիաները փոխանցել նոր սերնդին: Այդ սերնդի առաջին ներկայացուցիչներից մեկը Սեդրակ Առաքելյանն էր, որի գողտրիկ բնանկարներին բնորոշ է բնության լիրիկական տրամադրության վերարտադրումը:

Սովետահայ կերպարվեստի ավագ սերնդի ներկայացուցիչ Հակոբ Կոչոյանի գեղանկարչական ինքնատիպ ստեղծագործությունների հետ մեկտեղ Պատկերասրահի հարստությունն են կազմում հուզական մեծ ուժով ընդգծված նրա յարձրարվեստ գրաֆիկական էջերը:


Պատկերասրահի սովետահայ բաժինն ընդգրկում է մեր ժամանակի ականավոր գեղանկարիչ Մարտիրոս Սարյանի նշանակալից հավաքածուն, աշխատանքներ՝ որոնք իրենց հետ կենսուրախություն են քերում:

Պատկերասրահը այն հանգրվանն է, ուր իրենց վերջնական օրրանն են գտել սովետահայ կերպարվեստի ավագ սերնդի լավագույն ներկայացուցիչների՝ Գ. Գյուրջյանի, Ա. Սարգսյանի, Ս. Ստեփանյանի, Ա. Ուրարտուի, ինչպես նաև միջին և երիտասարդ սերնդի ստեղծագործողների լավագույն գործերը:

Հայ արվեստագետների ստեղծագործություններից բացի Պատկերասրահում կուտակվել են բազմաթիվ արժեքավոր փաստաթղթեր, նամականեր, բիրլիոգրաֆիկ նյութեր, որոնք լուսաբանում են այս կամ այն ստեղծագործողի կյանքի ու գործունեության հետ կապված էջերը: Այդ նյութերի հիման վրա Պատկերասրահում ստեղծվել է հուշադրական-ձեռագրային բաժին՝ ավելի քան 15000 միավորով:

Հայ կերպարվեստի այսպիսի ամբողջական հավաքումը հնարավորություն է ստեղծել բազմակողմանիորեն ուսումնասիրելու հայ կերպարվեստի պատմությունը, նրա զարգացման, նրա առանձին օղակների հետ կապված տեսական և գիտահետազոտական բազմաթիվ հարցերը:

Սովետահայ կերպարվեստագիտության զարգացման հիմքը եղել է Պատկերասրահի հավաքածուն, որի հիման վրա էլ լույս են տեսել Բաշինջաղյանին, Վ. Սուրենյանցին, Ա. Տեր-Մարությանին, Ս. Աղաջանյանին, Փ. Խերլեմեզյանին, Ե. Թադևոսյանին, Հ. Կոչոյանին, Մ. Սարյանին և սովետահայ մյուս կերպարվեստագետներին նվիրված մենագրությունները, ինչպես նաև բազմաթիվ ալբոմներ, բացիկներ:



Վարդգես Մանուկյանի ստեղծագործություններից

Հայաստանի պետական պատկերասրահի ուսումնական արվեստի հավաքածուն ընդգրկում է XVII դարի երկրորդ կեսից մինչև մեր օրերի հանրահայտ ուսումնասիրողների քաղաքային աշխատանքները: Դրանց թվումն են Ի. Արզումանովի, Վ. Տրոպինինի, Վ. Բորովիկովսկու, Դ. Լեիցկու, Ֆ. Գորգենի, Ֆ. Շուրինի, Ի. Մարտոսի, Կ. Բրյուլլովի, Սիլվեստր Շչեդրինի, Կ. Մակովսկու գեղանկարչական և քանդակագործական աշխատանքները, իսկ XIX դարի երկրորդ կեսի էքսպոնատները՝ Վ. Պերովի, Ի. Կրամսկոյի, Ի. Ռեպինի, Ի. Շիշկինի, Վ. Սուրիկովի, Վ. Վասնեցովի, Վ. Վերեշչագինի, Ի. Լևիտանի, Վ. Պոլենովի լավագույն աշխատանքների շարքը կարող են դասվել Ռուսական բաժնի մարզարիտներից է Վ. Սերովի «Մ. Ակիմյանի դիմանկարը», գեղանկարչական մի զուգույնություն, որը ոչ միայն Վ. Սերովի ստեղծագործության, այլև XX դարի Ռուսական գեղանկարչության հրաշալիքներից մեկն է: Այդ մեծ հարստությունը լրացնելու են զալիս Գոլովինի, Լ. Նեստերովի, Բենուայի, Յուդենի, Ս. Լեբեդևի, Շադրի, Օստրոումով-Լեբեդևայի, Անդրեևի, Ն. Լանսերեի, Պլաստովի, Ս. Գերասիմովի և ժամանակակից սովետական կերպարվեստի այլ վարպետների գործերը:

Արտասահմանյան արվեստը ցուցադրված է ըստ երկրների: Բնական արվեստը XIV—XVII դդ.՝ Յակոբո Բասանո, Տինտորետո, Գվարդի, Կանովա, Ֆլամանդացիներ՝ Ռուբենս, Իորդանս, Վան Դեյկ, հոլանդացիներ՝ Գոյեն, Նետշեր, Կլաս. Ֆրանսիական արվեստ՝ XVII—XIX դդ.՝ Ֆրագոնար, Բուշե, Հյուբեր Բոբեր, Լանկրե, Ֆալկոնե, Օրաս Վեռնե, Ռուսսո, Դիագ, Դուստավ Կուրբե, Բուդեն:

Հաջորդ սրահներում ցուցադրված են Անգլիայի, Շվեյցարիայի, Ռումինիայի, Զինաստանի, Հնդկաստանի և մի շարք այլ երկրների արվեստագետների, ինչպես նաև Սերի, սաքսոնական ճենապակյա իրերի, գորելենների, կիրառական արվեստի, օֆորտների, գծանկարների, դրավյուրների նմուշներ: Այդ օրիգինալ ստեղծագործությունների թվում կան այնպիսի արժեքներ, որոնք կարող են դարձնել աշխարհի ամենալավագույն թանգարանները: Դրանց թվին են պատկանում Վ. Սերովի վերոհիշյալ Մ. Ակիմովայի դիմանկարը, Դուստավ Կուրբեի «Աղջկա դիմանկարը» — նկարչի վաղ շրջանի ուսումնական շնչով կատարված աշխատանքներից մեկը, որը, միաժամանակ, Կուրբեի միակ դիմանկարչական գործն է ողջ Սովետական Միության մեջ: Սովետական Միության ոչ մի թանգարան չունի ուսումնական արվեստի այնպիսի հավաքածու, ինչպիսին է Հայաստանի պատկերասրահին: Այս


հավաքածուում կարելի է ծանոթանալ Գրիգորեսկուի, Ա. Լուկիանի և Պալադիի կտավներին, նկարիչներ, որոնք ստեղծեցին մի ամբողջ ժողովրդի նոր շրջանի գեղանկարչական դպրոցը:

Անկասկած, պատկերասրահում այս կարգի հարստությունների առկայությունն առաջնահերթ անհրաժեշտություն է դարձրել նրանց պրոպագանդան հարցը, մի խնդիր, որն ունեցել է իրագործման բազմազան ձևեր: Դրանցից առաջինը ցուցահանդեսներն են: Տարիներ շարունակ պարբերաբար կազմակերպվել են անհատական, թեմատիկ, հանրապետական և այլ բնույթի ցուցահանդեսներ, որոնք հնարավորություն են տվել ժողովրդին հասցնելու այն հարստությունները, որոնք պահպանվում են Պատկերասրահում: Այդ ցուցահանդեսներից հատկապես նշանակալից են Մարկեի, Ռեմբրանդտի, Լեոնարդո դա Վինչիի, Ռոքուել Բենտի, Ժան Եֆիմի, Վ. Պոլենովի, Ս. Լանսերեի, Գ. Գարաշվիլու, Մաքս Շվարինսկու և բազմաթիվ այլ արվեստագետների ստեղծագործությունների ցուցադրումները: Ամեն տարի պարբերաբար կազմակերպվել են հայ արվեստին նվիրված ցուցահանդեսներ՝ առանձին արվեստագետների, սովետահայ կերպարվեստագետների, ինչպես նաև սփյուռքահայ նկարիչների ստեղծագործությունների: Թեմատիկ ցուցահանդեսներ են կազմակերպվել ռեսպուբլիկայի գործարանների ակումբներում, Լենինականում, Կիրովականում, Դիլիջանում, Իջևանում, Կապրանում, Արտաշատում, Ոսկեվազում, Ալավերդում, Ստեփանավանում, իսկ մի շարք ցուցահանդեսներ կազմակերպվել են Մոսկվայում, Լենինգրադում, Կիևում, Օդեսայում, Թբիլիսիում, Բաքվում, Քիշինյովում:

Պրոպագանդան մյուս ձևը զեկուցումներն են: Պատկերասրահի աշխատակիցները այլևայլ թեմաներով զեկուցումներ են կարդացել գործարաններում, կոլտնտեսություններում, դպրոցներում: Անտիկ աշխարհի, Վերածննդի, XVII դարի հոլանդական նկարիչների, պերեդվիժնիկների, հայ արվեստի զանազան փուլերի, ինչպես նաև անհատ արվեստագետների կյանքի ու գործունեության մասին բովանդակալից զեկուցումներ են կազմակերպվել Պատկերասրահի դահլիճներում:

Հատկապես նշանակալից է եղել Պատկերասրահի աշխատանքը դպրոցականների հետ:

Թեմատիկ էքսկուրսիաներից զատ, Հայաստանի պետական պատկերասրահը Երևանի Պերճ Պողոսյանի անվան դպրոցում կազմակերպեց «Պատանի արվեստասերների խմբակ»: Խմբակի անդամները, 1952 թ. սկսած կազմակերպել են հանդիպումներ հայ, վրացի և ադրբեջանցի անվանի արվեստագետների հետ, եղել են Մ. Սուր-



2. $\text{sub}_p(\mathcal{P})$ is a subalgebra of $\mathcal{P}$ and $\text{sub}_p(\mathcal{P}) \cap \text{sub}_q(\mathcal{P}) = \text{sub}_{p \wedge q}(\mathcal{P})$.

յաճի, Ա. Սարգսյանի, երիտասարդ ստեղծագործողների արվեստանոցներում, մեկնել են Մոսկվա ու լենինգրադ, ծանոթացել ռուսական ու եվրոպական արվեստի խոշորագույն հուշարձաններին:

Պատկերասրահում տրադիցիա է դարձել այսպես կոչված «բաց դռների օրը», երբ արվեստասերները հնարավորություն են ունենում ծանոթանալու սովետահայ արվեստագետների հետ, զրուցելու նրանց ստեղծագործական հետաքննարկումների մասին:

Պատկերասրահի պրոպագանդիստական գործունեությանը զգալիորեն նպաստել է կատալոգների, ԽՍՀՄ-ի աշխատանքների ռեպրուդուկցիաների, դրանց նվիրված լիտերատուրայի հրատարակումը:

Պատկերասրահի գործունեության մյուս կարևոր կողմը էքսպոնատների պահպանման գործն է: Շենքի որոշ անհարմարությունը, անկասկած, խոչընդոտ է հանդիսանում ստեղծագործությունների լայն ցուցադրմանն ու նրանց պահպանմանը (թանգարանային տեսակետից Երևանի կլիմայական պայմանները հատկապես աննպաստ են), սակայն Պատկերասրահում արվում է ամեն ինչ՝ արվեստի գործերի կյանքը երկարաձգելու նպատակով: Պահպանման բաժնում կատարվող հմուտ հաշվառումը, ստեղծա-

գործությունների նկարագրումը, դասավորումն ու պահպանումը երկարաձգում են նրանց կյանքը: Այդ գործին մեծապես նպաստում է Պատկերասրահի ռեստավրացիոն արվեստանոցի աշխատանքը, որի շնորհիվ բազմաթիվ ստեղծագործություններ ստացել են նոր հրաշականություն:

Պատկերասրահում պահպանվող ամեն մի իրի «կենսագրությունը» կարելի է ծանոթանալ այն քարտերի միջոցով, որոնք ընդգրկում են տվյալ աշխատանքի հետ կապված բոլոր ցուցահանդեսները, բիրլիոդրաֆիկ նյութերը, նրա նկարագրությունը, վիճակը և ողջ կյանքի պատմությունը:

Ընդամենը քառասուն տարեկան է Հայաստանի պետական պատկերասրահը: Սակայն այդ կարճ ժամանակամիջոցն անգամ բավական է եղել, որպեսզի հավաքած ստեղծագործությունների քանակով, նրանց որակով, իր բազմակողմանի դիտահետազոտական ու պրոպագանդիստական գործունեությամբ նա կարողանա դասվել Միության խոշորագույն թանգարանների շարքը և դառնալ ռեսպուբլիկայի մշակույթի կարևոր ու լավագույն օջախներից մեկը:

Մ. ՂԱԶԱՐՅԱՆ

ՀԱՅԱԳԵՏԱԿԱՆ ՀՐԱՏԱՐԱԿՈՒԹՅՈՒՆՆԵՐ ՕՏԱՐ ԼԵԶՈՒՆԵՐՈՎ

Strarpie Der Nersessian. *The Armenian Chronicle of the Constable Smpad or of the „Royal Historian“* (Ամբաստանապետի կամ «արքունի» պատմիչի հայոց տարեգիրքը), Dumbarton Oaks Papers, XII, 1959, էջ 141—168): Գրված է Սմբատ Գուրգեստարի երկի նոր հրատարակության կապակցությամբ (Ս. Աղեկյան, Սմբատայ Սպարապետի տարեգիրք, Վենետիկ, 1956): Բաղդասարյանը ցույց է տալիս, որ հրատարակված է այն գրչագիրը, որը հատվածաբար լույս է ընծայել ժամանակին Ղ. Ալիշանը (Հայապատում, Ի, էջ 412, 436—441): Հոդվածագիրը գալիս է այն եզրակացության, որ «արքունի տարեգիրք» հեղինակը Սմբատն է, և նրա երկը ամբողջությամբ պահպանվել վենետիկի գրչագրում, մինչդեռ Մոսկվայում և ապա Փարիզում հրատարակված էջմիածնի ձեռագրերը պահպանել են համառոտված խմբագրությունը որոշ հավելումներով: Սմբատի տարեգրությունը շարադրված է Մատթեոս

Ռուհայեցու և նրա շարունակողի հիման վրա (951—1162 թթ.), ապա՝ ինքնուրույն է: Շարադրությունը կանգ է առնում 1272 թ. դեպքերի վրա, որից հետո մեկ թերթ ընկած է իր գործը Սմբատը հասցրել է մինչև 1274 կամ ամենաուշը՝ 1275 թ., որովհետև 1276 թ. վախճանվել է:

Vahan M. Kurkjian, *A History of Armenia* (Հայոց պատմություն), Armenian Benevolent Union of America, New York, 1958, p. (VII) 526, նկարագրող Հայոց պատմության ակնարկներ՝ հնագույն շրջանից մինչև մեր օրերը: Հատուկ գլուխ է նվիրված ֆեոդալական ռիստեմին Հայաստանում (էջ 311—328), որոշ տեղ է հատկացված նաև հայոց մշակույթի տարբեր ընագավառներին: 491—500 էջերում տրվում է մատենագիտական ցանկ, որն ընդգրկում է նաև սովետական գիտնականների աշխատությունները (աշխատությունների վերնագրերը արված են